

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें नार्वे दे प्रधानमंत्री हुंदे कन्नै भारत-नार्वे बपार ते अनुसंधान शिखर सम्मेलन गी सम्बोधित कीता- जेहदे च उ'नें भारत च 100 अरब डालर दे अमरीकी निवेश ते 10 लक्ख नौकरियां पैदा करने दा लक्ष रखेआ।
2. नार्वे च अज्ज त्रीए भारत नार्डिक शिखर सम्मेलन च हिस्सा लैने दे बाद- प्रधानमंत्री इटली लेई रवाना होई जागंन।
3. रक्षामंत्री राजनाथ सिंह होरें हनोई च भारतीय समुदाय गी सम्बोधित करदे होई आखेआ जे ऑपेशन सिंदूर भारत दे आत्मविश्वासी ते सक्षम राष्ट्र होने दा प्रतीक ऐ।
4. न्यायधीश जांच कमेटी नै जस्टिस Yashwant Verma हुंदे पर लग्गे दे आरोपे दी जांच आहले मामले च अपनी रिपोर्ट लोकसभा अध्यक्ष होरेंगी जमा कराई दिती ऐ।
5. कोलकाता दे आरजी कर मैडिकल कालेज मामले च दपैहरी जांच दा हुकम जारी कीता गया। सी.बी.आई दे इलावा हून इ.डी. बी इस मामले च तफतीश करोग।
6. आई.पी.एल. च जन्दी रातीं सनराइजर्स हैदराबाद नै चेन्नेई सुपर किंग्स गी 5 विकेटें कन्नै रहाइयै प्लेऑफ च अपनी थाहर पक्की करी लैती ऐ।

<><><><><><>

PM -Norway

प्रधानमंत्री नरेन्द्र मोदी होरें नार्वे दे प्रधानमंत्री हुंदे कन्नै कल भारत- नार्वे बपार ते अनुसंधान शिखर सम्मेलन गी सम्बोधित कीता- जेहदे च दौनें मुल्खे दिएं 50 कोला मतिएं कम्पनियें दे मुख् कार्जकारी अफसरें हिस्सा लैता। इस दौरान प्रधानमंत्री होरें

भारत च मौजूद बपार कारोबार करने लेई साजगार माहौल बारे गल्ल कीती ते आखेआ कि प्रतिभाशाली नौजवान- मजबूत व्यवसायिक परम्परा ते रासपूंजी लाने लेई सुरक्षत ते बवस्थित ढांचा- नार्वे दिएं कम्पनियें गी भारत च रासपूंजी लाने लेई बड़ा साजगार माहौल उपलब्ध करागंन। नार्वे दी राजधानी ओस्लो च आयोजित भारत-नार्वे बपार ते अनुसंधान शिखर सम्मेलन च प्रधानमंत्री होरें भारत च 100 अरब अमरीकी डॉलर दी रासपूंजी ते 10 लकख नौकरियां पैदा करने दा लक्ष रखेया। एह लक्ष भारत- EFTA बपार ते आर्थिक सांझेदारी समझौते तैहत तैय कीता गेआ ऐ। एह इक ऐतिहासिक समझौता ऐ जेहदे च नार्वे- स्विटजरलैंड-आइसलैंड ते लिकटेस्टीन शामिल न। इस समझौते तैहत रासपूंजी ते नौकरियें दी संभावना हरित ऊर्जा- स्वच्छ टैक्नॉलोजी- ग्रीन शिपिंग- आर्टिफीशल इंटेलीजेंस ते उन्नत विनिर्माण शामिल न।

<><><><><><>

PM- Nordic

प्रधानमंत्री नरेन्द्र मोदी होरें नार्वे दी राजधानी ओस्लो च अज्ज त्रीए भारत-नार्डिक शिखर सम्मेलन च 5एं नार्डिक मुखें दे प्रमुखें कन्नै गल्लबात करा करदे न। इनें मुखें कन्नै मुख तौरा पर गल्लबात बपार ते निवेश- हरित ऊर्जा ते तकनीक ते इनें मुखें कन्नै साथ-सहयोग बधाने बारे होआ करदी ऐ। शिखर सम्मेलन दे बाद प्रधानमंत्री होर 5 मुखें दे अपने दौरे दे अगले पडां तैहत इटली पुजडन- जित्थे ओ भारत ते इटली बश्कार दबकखी सरबंधें- रणनीतिक सहयोग ते बपार गी बढ़ावा देने लेई प्रधानमंत्री जियोर्जिया मेलोनी हुंदे कन्नै इक उच्ची सतह दी बैठक लागंन।

<><><><><><>

Rajnath –Hanoi Diaspora

रक्षामंत्री राजनाथ सिंह होरें ऑप्रेसन सिंदूर गी भारत दे मजबूत आत्मविश्वासी ते सक्षम राष्ट्र बनने दा प्रतीक दस्सेआ। हनोई च भारतीय समुदाय गी सम्बोधित करदे होई राजनाथ सिंह होरें आखेआ जे भारत- पैहले परमाणु हमला नेंई करने दी नीति प्रति वचनबद्ध ऐ- लेकिन ओह परमाणु धमकी अग्गे झुक्कग बी नेंई ते कुसै बी दुश्मन दी माड़े मनसूबें आली कार्रवाई दा बनकदा परता देने लेई त्यार ऐ। उ'नें आखेआ जे प्रधानमंत्री नरेन्द्र मोदी हुंदे नेतृत्व च भारत नै बेमिसाल प्रगति कीती ऐ जेहदे कन्नै वैश्विक मंच पर भारत दी प्रतिष्ठा लगातार बदा रदी ऐ। रक्षामंत्री होरें आखेआ जे भारत- सेमीकंडक्टर दे क्षेत्र च तेजिया कन्नै अग्गे बधा रदा ऐ ते एह छड़ा तकनीकी प्रगति गै नेंई- सगुआं नमें भारत दी पंछान बी ऐ। श्री सिंह होरें वैश्विक शांति- सांझा विकास ते समृद्धि लेई दुनिया गी भारत कन्नै सांझेदारी करने दा आहवान कीता। एहदे कन्नै गै उ'नें भारती समुदाय गी राष्ट्र निर्माण च योगदान देने दी अपील बी कीती।

<><><><><><>

Sonowal –Water Metro

बंदरगाह- जहाजरानी ते जलमार्ग मंत्री सर्बानंद सोनोवाल होरें मुल्खे दे 18 शैहरें च वाटर मेट्रो सेवा शुरु करने बक्खी होई दी प्रगति दी इक उच्ची सतह दी बैठका च समीक्षा कीती। इस महत्वकांक्षी परियोजना दा मकसद कोच्ची वाटर मेट्रो दा कामयाबी दे बाद पानी दे स्रोतें दे रस्तेआ आओजाई दा विस्तार करना ऐ। परियोजना दे पैहले गेड़ च गुवाहाटी- श्रीनगर- पटना- वारणसी- अयोध्या ते प्रयागराज गी शामिल कीता

गेआ ऐ- जिसलै कि दुए गेड़ च असम दे तेजपुर ते डिबुगढ़ च एह सेवा शुरु करने दा प्रस्ताव ऐ। वाटर मेट्रो सेवा इक ते घट्ट खर्चीली ऐ ते कन्नै गै एह कुदरत दे अनुकूल ऐ। इस सेवा गी शुरु करने लेई बक्खरे तौरा पर जिमी हासल करने दी लोड़नेई ते एह पैहले सवा उपलब्ध जलमार्गे दा इस्तमाल करोग। एहदे लेई मंत्रालय नै राश्ट्रीय वाटर मेट्रो नीति-2026 दा मसौदा अंतर मंत्रालयी परामर्ष लेई जारी कीते दा ऐ।

<><><><><><>

Birla Report

न्याधीश जांच कमेटी नै कल संसद भवन च लोकसभा अध्यक्ष ओम बिरला होरे'गी अपनी रिपोर्ट सोंपी दिती ऐ। एह रिपोर्ट जस्टिस यशवंत वर्मा हुंदे कन्नै जुड़े दे आरोपे दी जांच गितै खडेरी गेदी कमेटी नै जमा करोआई ऐ- जेहदा गठन लोकसभा अध्यक्ष हुंदे आसेया 12 अगस्त 2025 गी कीता गेआ हा। कमेटी दे पीठासीन अधिकारी ते सुप्रीम कोर्ट दे जज जस्टिस अरविंद कुमार- बॉम्बे हाई कोर्ट दे मुख् न्याधीश जस्टिस चन्द्रशेखर ते कर्नाटक हाई कोर्ट दे सीनियर वकील बी.वी. अचार्य होरे एह रिपोर्ट सोंपी ऐ। न्याधीश जांच अधिनियम 1968 दे तैहत सोंपी गेदी इस रिपोर्ट गी तौले गै संसद दे दौने सदने च रखेआ जाहग।

<><><><><><>

W.B.-R.G Kar Hospital

कोलकाता दे आरजी कर मैडिकल कालेज मामले च दोहरी जांच दा हुकम जारी करी दिता गेआ ऐ। मुख् जांच- केन्द्री जांच ब्यूरो CBI करै करदी ऐ जिसलै कि मालीनियम लागू करने सरबंधि निदेशालय इ.डी गी बी जांच दे आदेश जारी कीते गेन।

9 अगस्त 2024 गी अस्पताल दे सेमिनार हाल च इक महिला डाक्टर कन्नै होई दी बर्बरता आहली वारदात दी जांच सुप्रीम कोर्ट ते कोलकाता हाई कोर्ट दे निर्देश पर सी.बी.आई आसेया कीती जा'रदी ऐ। इस मामले च मुख आरोपी संजय रॉय गी गिरफ्तार करी लैता गेदा ऐ। पच्छिम बंगाल सरकार नै अस्पताल दे साबका प्रिंसिपल डाक्टर संदीप घोष खलाफ पैहे दे हेर-फेर दे मामले च इ.डी आसेया मकदमा चलाने दी औपचारिक मंजूरी बी देई दिती ऐ। मामले दी शुरुआती जांच च अपनी जिम्मेवारी निभाने च लापरवाही बरतने दे आरोप च पच्छिम बंगाल सरकार नै कोलकाता दे साबका पुलस कमीशनर विनीत गोयल सनें त्रै सीनियर IPS अधिकारियें गी मुक्तल करियें- उन्दे खलाफ विभागीय जांच ते आदेश बी दिते न।

<><><><><><>

California Shooting

कैलिफोर्निया दे सैन डिएगो च इक मसीतें च अज्ज किशोर उमी दे दंडु जागतें गोलीबारी कीती- जेहदे च त्रै लोकें दी मौत होई गई ऐ। एहदे मगरा उ'नें किश छिंडे पर अपने आपे गी बी गोली मारी दिती। सैन डिएगो दे पुलस प्रमुख स्कॉट वाहल होरें संवाददाताएं गी जानकारी दिती जे इस्लामिक सेंटर ऑफ सेंट डिएगो च होए दे इस हमले दी जांच खार जां नफरत सरबन्धी अपराध दे रुपे च कीती जा'रदी ऐ। उ'नें दस्सेया जे इस वारदात कोला किश चिर पैहले पुलसै दी गल्ल इन्दे मुड़ें चा इक दी मां कन्नै होई ही- जिन्नै पुलसै गी इतलाह दिती ही कि ओहदा पुत्र किश थेहार ते गड्डी लेइयै कुदरै चली गेदा ऐ। इनें जागतें दी उम्र 17 ते 18 बरे ऐ। पुलसै दस्सेआ ऐ कि

हमले च इस्तमाल कीते गेदे थेहारें पर नफरत भरोचे नारे लिखे दे पाए गेन ते गड्डी चा नफरत आहले लेख बी बरामद कीते गेन।

<><><><><><>

IPL

आई.पी.एल च जंदी रातीं सनराईजर्स हैदराबाद नै चेन्नेई सुपर किंग्स गी 5विकटें कन्ने हराइयै प्लेऑफ च अपनी थाहर पक्की करी लेती ऐ। चेन्नेई च खेड्डे गेदे मकाबले च पैहले बल्लेबाजी करदे होई चेन्नेई सुपर किंग्स नै 20 ओवरें च 7 विकटें पर 180 रन्ज बनाए। कार्तिक शर्मा नै सब्भनें शा मते 44 रन्ज बनाए। हैदराबाद लेई Pat Cummins नै 3 ते साकिब हुसैन नै 2 विकट लैते। परते च सनराईजर्स हैदराबाद नै 19 ओवरें च गें 5 विकटें दे नुकसान पर लक्ष हासिल करी लैता। ईशान किशन नै 70 Heinrich Klaasen's नै 47 रन्ज बनाए। ईशान किंग्स गी प्लेयर ऑफ दे मैच चुनेआ गेआ। एहदे कन्ने गै हैदराबाद दे हून 16 अंक होई गे न ते टीम नै प्लेऑफ च थाहर पक्की करी लैती ऐ। गुजरात टाईटन्स बी अखीरले 4 पुज्जी गई ऐ- जिस्सलै के रॉयल चैलेन्जर्स बैंगलूरु नै पैहले गै प्लेऑफ लेई Qualify करी लेदा ऐ। तौआई प्रतियोगिता च अज्ज राजस्थान रॉयल्स दा मकाबला लखनऊ सुपर Giants कन्ने जयपुर च संजा साड्डे 7 बजे होग।

<><><><><><>